



Broj predmeta: 13-000462/22
Broj akta: 13-1153PG-0036/22
Datum, 26. 5. 2022. godine
Mjesto, Brčko

U skladu s odredbama Zakona o budžetu Brčko distrikta BiH („Službeni glasnik Brčko distrikta BiH“, broj 34/19), te članova 29. i 32. Zakona o izvršenju Budžeta Brčko distrikta BiH za 2022. godinu („Službeni glasnik Brčko distrikta BiH“, broj 33/21), Odjeljenje za privredni razvoj sport i kulturu o b j a v l j u j e

JAVNI POZIV ZA DODJELU SREDSTAVA DONACIJA ZA NEPROFITNE ORGANIZACIJE IZ OBLASTI SPORTA I KULTURE

Član 1. (Nadležnost za dodjelu sredstava)

Donacije dodjeljuje Odjeljenje za privredni razvoj sport i kulturu odlukom na osnovu programa utroška sredstava koji usvoji Vlada Brčko distrikta BiH.

Član 2. (Visina sredstava)

Odobrena sredstava za ovu svrhu predviđena su u iznosu 1.450.000,00 KM.

Član 3. (Svrha i namjena donacija)

- (1) Svrha dodjele donacija je pomoć neprofitnim organizacijama iz oblasti sporta i kulture.
- (2) Donacije mogu biti dodijeljene u svrhu pomoći za pokrivanje troškova:
 - troškova puta, smještaja i reprezentacije sportista za vrijeme takmičenja,
 - troškova organizacije takmičenja, kotizacije, kao i naknade za sudije, delegate i sl.
 - troškova puta na zvanična međunarodna takmičenja pod okriljem matične međunarodne sportske organizacije,
 - troškova puta na zvanična evropska i svjetska reprezentativna prvenstva pod okriljem matične međunarodne sportske organizacije,
 - troškova korištenja iznajmljivanja sportskih objekata,
 - troškova ljekarskih pregleda,
 - troškova nabavke sportske opreme,

- troškova puta, smještaja i reprezentacije za organizaciju kulturnih događaja koji promoviraju Brčko distrikt BiH,
- troškova korištenja iznajmljivanja objekata za kulturu,
- troškova nabavke opreme (muzička oprema, audio-vizuelna oprema, nošnje i drugi specifičan materijal neophodan za organizaciju kulturnog događaja).

Član 4. **(Uslovi za dodjelu donacije udruženjima i fondacijama)**

Podnosilac zahtjeva dužan je priložiti:

- uredno popunjen obrazac s naznakom svrhe zahtjeva te iznosa neophodnog za pokrivanje specificiranih troškova,
- kopiju rješenja o upisu u sudski registar,
- statut udruženja i fondacije,
- kopiju kartona deponovanih potpisa ili potvrdu banke o broju tekućeg računa kod koje podnosilac zahtjeva ima otvoren račun;
- izjava o podnesenim zahtjevima za pomoć te zahtjevima za finansiranje odnosno sufinansiranje projekata odnosno programa od javnog interesa, odnosno o dobijenoj pomoći i sredstvima finansiranja i sufinansiranja.

Član 5. **(Komisija)**

Šef Odjeljenja za privredni razvoj sport i kulturu imenuje komisiju koja razmatra podnesene zahtjeve i utvrđuje formalno-pravnu ispravnost podnesenih zahtjeva, u skladu s javnim pozivom te revidira ranije izvještaje o namjenskom utrošku dodijeljenih donacija iz budžeta Brčko distrikta BiH.

Član 6. **(Način dodjele)**

Odjeljenje za privredni razvoj sport i kulturu odobrava Program o dodjeli donacija, koji će biti realizovan po donošenju odluke Vlade o istom.

Član 7. **(Izvještavanje)**

- (1) Udruženja i fondacije kojima su dodijeljene donacije dužni su podnijeti izvještaj o namjenskom utrošku. Krajnji rok za podnošenje izvještaja je 30 dana po završetku predviđenih aktivnosti.
- (2) Izvještaj o utrošku donacija sastoji se od tekstualnog i finansijskog dijela.
- (3) Tekstualni dio izvještaja o utrošku donacija podnosi se na propisanom obrascu koji je u prilogu ovog javnog poziva (Obrazac br. 3).
- (4) Finansijski dio izvještaja o utrošku donacije sastoji se od pregleda troškova s kopijom računa i drugim računovodstvenim ispravama, kao i kopija izvoda iz banke na kojima su vidljive promjene stanja po osnovu priloženih računa.
- (5) Ukoliko udruženje ili fondacija ne dostavi izvještaj o utrošku pomoći i ne opravda

dodijeljene donacije u roku propisanim stavom (1) ovog člana, Odjeljenje za privredni razvoj, sport i kulturu će zatražiti povrat cjelokupnog iznosa dodijeljenih donacija na Jedinstveni račun Trezora Brčko distrikta Bosne i Hercegovine u roku od 30 dana od dana kada se pisanim putem zatraži povrat donacije, pod prijetnjom pokretanja postupka pred nadležnim organom.

Član 8. **(Neprihvatljivi troškovi)**

- (1) Neprihvatljivom svrhom dodjele pomoći smatraju se:
- plate, naknade za rad i drugo finansiranje odnosno dobit ili bilo koja druga materijalna korist: osnivačima, članovima udruženja, članovima organa upravljanja i rukovođenja, licima ovlaštenim za zastupanje, zaposlenicima i bliskim srođnicima nabrojanih lica,
 - dugovi i stavke za pokrivanje gubitaka, dugova, pozajmica, kazni i slično,
 - aktivnosti i materijali i slično koji se već finansiraju iz javnih izvora,
 - kupovina zemljišta ili građevina,
 - zajmovi trećim stranama,
 - pokloni,
 - kupovina automobila, kombija, autobusa, aviona, brodova,
 - lično životno osiguranje,
 - kapitalna ulaganja,
 - izdaci za komunalne usluge,
 - bankarske provizije i računovodstvene usluge,
 - zakupi poslovnih prostora za sjedišta neprofitne organizacije.
- (2) Sredstva donacija se mogu dodjeljivati kao pomoć za prihvatljive troškove nastale u fiskalnoj 2022. godini.

Član 9. **(Nadležnost za kontrolu izvještaja o utrošku donacija)**

- (1) Kontrola izvještaja o utrošku donacija je u nadležnosti Komisije iz člana 6. ovog javnog poziva.
- (2) Komisija će vršiti kontrolu izvještaja o utrošku donacija na osnovu dostavljene dokumentacije, a po potrebi, u svrhu odlučivanja o opravdanosti utrošenih donacija može tražiti dodatnu dokumentaciju.
- (3) O izvršenoj kontroli Komisija iz stava (1) ovog člana će sačiniti izvještaj koji će dostaviti šefu Odjeljenja za privredni razvoj sport i kulturu.

Član 10. **(Evidencije)**

- (1) Odjeljenje za privredni razvoj sport i kulturu vodi evidenciju udruženja kojima je odobrena donacija.
- (2) Evidencija iz stava (1) ovog člana sastoji se od najmanje sljedećih podataka:
- a) naziv udruženja koje je u tekućoj godini bio korisnik donacije,
 - b) naziv, broj i datum odluke o dodjeli donacije,

- c) iznos donacije,
- d) namjena korištenja donacije,
- e) izvještaj o utrošku donacije.

Član 11.
(Raspisivanje, objavljivanje i zahtjev)

- (1) Javni poziv za dodjelu donacija raspisuje Odjeljenje za privredni razvoj, sport i kulturu, a objavljuje se na internet stranici www.vlada.bdcentral.net.
- (2) Javni poziv objavljuje se 26. 5. 2022. godine i ostaje otvoren do 30. 11. 2022. godine.
- (3) Zahtjev za donaciju s potrebnom dokumentacijom dostavlja se u zatvorenoj koverti s naznakom:
„Zahtjev za dodjelu donacije u Odjeljenju za privredni razvoj, sport i kulturu“.
- (4) Zahtjev predati u zgradi Vlade Brčko distrikta BiH, prizemlje, šalter broj 6, ili putem pošte na adresu: Odjeljenje za privredni razvoj, sport i kulturu, Bulevar mira br. 1, Brčko distrikt BiH.

Član 13.
(Obrasci)

Obrasci iz člana 4. i člana 7. su sastavni dio ovog javnog poziva i čine ga:

- Obrazac broj 1 – Zahtjev za dodjelu donacije udruženjima i fondacijama;
- Obrazac broj 2 – Izjava o podnesenim zahtjevima kao i dobijenim donacijama, odnosno finansiranju i sufinansiranju iz budžeta Brčko distrikta BiH (odnosno podnesenim zahtjevima);
- Obrazac broj 3 – Izvještaj o utrošku donacije.

ŠEF ODJELJENJA
Pero Gudeljević, dipl. pravnik

ZAHTJEV ZA DODJELU DONACIJE UDRUŽENJIMA I FONDACIJAMA

Naziv udruženja/fondacije (podnosioca zahtjeva)		
Ovlašteno lice podnosioca zahtjeva		
Adresa sjedišta udruženja/fondacije		
Kontakt-telefon / e-mail udruženja/fondacije		
Opis svrhe sredstava za koju se podnosi zahtjev za donaciju:		
Iznos zahtijevane donacije		
Specifikacija troškova	Naziv troška	Iznos sredstava koji će se utrošiti
Spisak priložene dokumentacije kojom se dokazuje ispunjenost kriterija definisanih javnim pozivom		

Datum: _____

Potpis ovlaštenog lica

M. P.

**IZJAVA O PODNESENIM ZAHTJEVIMA ZA POMOĆ TE ZAHTJEVIMA ZA
FINANSIRANJE ODNOSNO
SUFINANSIRANJE PROJEKATA ODNOSNO PROGRAMA OD JAVNOG INTERESA,
ODNOSNO O DOBIJENOJ
POMOĆI I SREDSTVIMA FINANSIRANJA I SUFINANSIRANJA**

Ja, nižepotpisani _____ (*ime i prezime*), s ličnom kartom broj: _____ izdatom od _____, u svojstvu ovlaštenog lica podnosioca zahtjeva _____, ID broj: _____, čije sjedište se nalazi u _____ (*grad/općina*), na adresi _____ (*ulica i broj*), kao podnosilac zahtjeva za dodjelu donacije, pod punom materijalnom i krivičnom odgovornošću:

I Z J A V L J U J E M

Udruženje/Fondacija (podnosilac zahtjeva) _____, u kojem sam ovlašteno lice **je – nije** podnijelo zahtjev za pomoć te zahtjev za finansiranje odnosno sufinansiranje projekata odnosno programa od javnog interesa, odnosno dobilo pomoć i sredstva za finansiranje i sufinansiranje, za svrhu i namjenu _____.

Mjesto i datum davanja izjave:

M. P.

Potpis podnosioca zahtjeva

IZVJEŠTAJ O UTROŠKU SREDSTAVA DONACIJE

Naziv udruženja/fondacije (podnosilac zahtjeva)		
Ovlašteno lice podnosioca zahtjeva		
Adresa udruženja/fondacije		
Kontakt-telefon / e-mail		
Broj i datum odluke o odobravanju isplate novčanih sredstava		
Ukupan iznos dodijeljenih sredstava		
Ukupan iznos utrošenih sredstava		
Specifikacija troškova	<u>Naziv troška</u>	<u>Iznos utrošenih sredstava</u>
Spisak priložene dokumentacije Kao prilog ovom izvještaju potrebno je dostaviti kopije računa, ugovora, odluka i druge dokumentacije na osnovu koje su vršena plaćanja, kao i kopije izvoda iz banke, virmana ili blagajničkih isplata kao dokaza da je plaćanje izvršeno.		

Datum: _____

Potpis ovlaštenog lica

M. P.
